

Saúde, nos dos centros de xestión de atención primaria e especializada do Servizo Galego de Saúde e na páxina web do Sergas ([www.sergas.es](http://www.sergas.es)).

Terceiro.-Convocar os aspirantes admitidos con carácter definitivo para a realización das entrevistas, no edificio administrativo do Servizo Galego de Saúde, en San Lázaro s/n de Santiago de Compostela, coa seguinte distribución:

Día 24 de novembro de 2005, ás 9.00 horas: C. H. Juan Canalejo, C.H.A. Marcide-Nova Santos, C. H. Universitario de Santiago, C.H. Xeral-Calde.

Día 24 de novembro de 2005, ás 16.30 horas: H.C. da Costa-Burela, H.C. de Monforte, C.H. de Ourense, H.C. Valdeorras, C.H. Universitario de Vigo, C.H. de Pontevedra.

Cuarto.-Os participantes deberán presentarse á entrevista para un dos centros ou complexos hospitalarios para os que estean admitidos.

Os participantes que non procedan da fase de selección que non se presenten á realización da entrevista para un dos centros ou complexos hospitalarios nos que estean admitidos, decaerán nos seus dereitos, sen que se lles poida adxudicar praza ningunha, e manterasen, se é o caso, na súa praza orixinaria e nas mesmas condicións, sen prexuízo do establecido a continuación para os reingresados provisionais.

Os participantes que se atopen en situación de reingreso provisional ao servizo activo que non se presenten á realización da entrevista para un dos centros ou complexos hospitalarios nos que estean admitidos, serán declarados de oficio en situación de excedencia voluntaria.

Os participantes procedentes da situación de persoal estatutario en expectativa de destino que non se presenten á realización da entrevista para un dos centros ou complexos hospitalarios nos que estean admitidos, decaerán nos seus dereitos, sen que se lles poida adxudicar praza ningunha perdendo a súa situación de persoal estatutario en expectativa de destino.

Quinto.-Os participantes na fase de provisión que estean admitidos para a realización da entrevista en varios centros ou complexos hospitalarios tan só poderán presentarse á realización súa nun único centro, entendéndose que optan polo primeiro centro ou complexo hospitalario a cuxa entrevista se presenten en primeiro lugar, de tal xeito que non poderán presentarse á entrevista noutro.

No caso de presentarse á entrevista en máis dun centro ou complexo hospitalario decaerán nos seus dereitos nos termos establecidos no punto cuarto anterior.

Sexto.-O persoal que como consecuencia da súa participación na fase de selección correspondente a máis dunha categoría ou, se é o caso, especialidade, accedese á situación de persoal estatutario en expectativa de destino en máis dunha delas, unicamente

poderá participar na fase de provisión nunha soa categoría ou especialidade.

Por todo iso, aqueles que estean admitidos para a realización das entrevistas en máis dunha categoría ou especialidade, entenderase que optan por aquela a cuxa entrevista se presenten en primeiro lugar, de tal xeito que non se poderán presentar á entrevista na outra categoría ou especialidade.

No caso de presentarse á entrevista en varias categorías ou especialidades, decaerá nos seus dereitos perdendo a súa situación de persoal estatutario en expectativa de destino na segunda categoría ou especialidade en cuxa entrevista participou.

Sétimo.-Esta resolución poderá ser impugnada polos interesados nos termos previstos no número 3 da base vixésimo primeira das respectivas convocatorias.

Santiago de Compostela, 10 de novembro de 2005.

Antonio José Fernández Paniagua  
Director xeral da División de Recursos Humanos e Desenvolvemento Profesional

*Resolución do 11 de novembro de 2005, da División de Recursos Humanos e Desenvolvemento Profesional, pola que se anuncia a resolución provisional do segundo procedemento de provisión da categoría de médico de familia de atención primaria do proceso extraordinario de consolidación de emprego deste servizo.*

A base décimo sétima da Orde do 15 de febreiro de 2002 (DOG nº 40, do 25 de febreiro), pola que se convoca proceso extraordinario de consolidación de emprego para a selección e provisión de prazas de persoal estatutario das institucións sanitarias dependentes do Servizo Galego de Saúde, establece a posibilidade de realizar un segundo proceso de entrevistas para asignación de destinos na fase de provisión e mesmo un terceiro chamamento para elixir destinos sobrantes.

Polo tanto, realizado polo tribunal da categoría de médico de familia de atención primaria o segundo procedemento da fase de provisión, a División de Recursos Humanos e Desenvolvemento Profesional do Servizo Galego de Saúde

**RESOLVE:**

Primeiro.-Publicar, con carácter provisional, as puntuacións obtidas polos aspirantes que participaron no segundo proceso na fase de provisión do proceso extraordinario de consolidación de emprego para a selección e provisión de prazas de persoal estatutario das institucións sanitarias dependentes do Servizo Galego de Saúde, convocado pola Orde do 15 de febreiro de 2002 (DOG nº 40, do 25 de febreiro), da categoría de médico de familia de atención primaria.

Segundo.-As listaxes poderán examinarse nos taboleiros de anuncios dos centros de xestión de atención primaria e especializada do Servizo Galego de Saúde e na páxina web do Sergas ([www.sergas.es](http://www.sergas.es)).

Terceiro.-Os apirantes disporán dun prazo de cinco días hábiles, contados a partir do día seguinte ao da publicación desta resolución no *Diario Oficial de Galicia*, para que poidan presentar, de ser o caso, reclamación contra a listaxe provisional.

Santiago de Compostela, 11 de novembro de 2005.

Antonio José Fernández Paniagua  
Director xeral da División de Recursos Humanos  
e Desenvolvemento Profesional

## V. ADMINISTRACIÓN DE XUSTIZA

### XULGADO DO SOCIAL NÚMERO TRES DA CORUÑA

*Cédula de notificación de sentenza (449/2004).*

Juan Rey Pita, secretario do Xulgado do Social número tres da Coruña, dou fe e certificado que neste xulgado séguense autos número 449/2004 por instancia *Mutua Intercomarcal* contra Instituto Nacional da Seguridade Social e outras sobre prestacións, nos que recau sentenza en data 13 de outubro de 2005 que copiada nos particulares necesarios di así:

«Que estimando a demanda formulada pola *Mutua Intercomarcal* condeno a empresa *Reformas Caxigueira, S.L.* como responsable directa e única do aboamento da pensión de invalidez permanente total recoñecida ao traballador Julio de la Fuente Pose derivada de accidente de traballo, na contía inicial establecida no feito terceiro desta resolución, debendo a dita mutua anticipar ao traballador o pagamento da prestación, subrogáanse nos dereitos e obrigacións daquel con respecto á empresa, e sen prexuízo da responsabilidade subsidiaria que se é o caso puidera recaer no Instituto Nacional da Seguridade Social e na Tesouraría Xeral da Seguridade Social, como xestores do Fondo de Garantía de Accidentes de Traballo.

Notifíquese a presente resolución ás partes facéndolles saber que contra ela cabe interpoñer recurso de suplicación perante o Tribunal Superior de Xustiza de Galicia, Sala do Social, debendo anunciálo previamente ante este xulgado do social, no prazo de cinco días hábiles a partir do día seguinte da súa notificación.

Así por estas miña sentenza, da que se unirá certificación aos autos orixinais para a súa notificación

e cumprimento, xulgando pronúncioo, mándoo e asínoo».

E para que conste, para efectos da súa publicación no *Diario Oficial de Galicia* co fin de que sirva de notificación en forma á empresa *Reformas Caxigueira, S.L.*, expido e asino a presente cédula.

A Coruña, 24 de outubro de 2005.

O secretario xudicial  
Rubricado

*Cédula de notificación de sentenza (252/2005).*

Juan Rey Pita, secretario do Xulgado do Social número tres da Coruña, dou fe e certificado, que neste xulgado se seguen autos número 252/2005 por instancia de María Cristina López López e outro contra a empresa *Llopis 2001, S.L.* sobre salarios, na que recaeu sentenza con data 20 de outubro de 2005 que copiada nos particulares necesarios di así:

«Que, estimando a demanda formulada por María Cristina López López e José Luis Llopiz Tallón contra a empresa *Llopis 2001, S.L.* condeno a esta a aboar-lles as cantidades de 6.544,97 euros a María Cristina López López e 15.492,84 euros a José Luis Llopiz Tallón, que lles debe en concepto de salarios.

Notifíquelles a presente resolución ás partes facéndolles saber que contra ela cabe interpoñer recurso de suplicación perante o Tribunal Superior de Xustiza de Galicia, Sala do Social, debendo anunciálo previamente ante este Xulgado do Social, no prazo de cinco días hábiles a partir do día seguinte da súa notificación.

Previndo á empresa demandada que para recorrer deberá acreditar o ingreso na c/c de consignacións código 1533 0000 60 0252 05 de *Banesto* (0030) desta cidade denominada Conta do Xulgado do Social número tres, o importe da condena é 150,25 euros en concepto de depósito, sen cuxos requisitos non será admitido a trámite o recurso quedando firme a sentenza.

Así, por esta miña sentenza, da que se unirá certificación aos autos orixinais para a súa notificación e cumprimento, xulgando pronúncioo, mándoo e asínoo».

E para que conste para os efectos da súa publicación no *Diario Oficial de Galicia* co fin de que sirva de notificación en forma á empresa *Llopis 2001, S.L.* expido e asino esta cédula.

A Coruña, 24 de outubro de 2005.

O secretario xudicial  
Rubricado